


T4681 72924

T4681  
2924

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
FEB 18 1941



古今治平畧缺頁表

首冊

序文

第一頁

哈佛大學漢和  
圖書館珍藏印

古今治平畧

鍾序一

也書之不可以已也經行	之速效焉彼非僅為文者	歷口齒間輒有稟功程績	可得而指也當誦讀時歷	悉隱伏洞洞矚矚其略固
------------	------------	------------	------------	------------

經世務語不誣也 子強

先生才美食被天下而尤  
湛深經術其所爲沉博絕  
麗之文創其懷抱以與舉  
世俊異相見而三尺油素

鉛槧不休寧直昌言論衡  
爲寄憂抒憤發哉壻溷紙  
筆俱效勩勩輔理之氣芻  
僕百氏咸飭富彊畫壹之  
容日區星瀾指紋髮理

古今通考  
卷之四  
細弘繼韞舉樂備八通之  
塗霖逸軌衆歸之壑霖遠  
流古今大才學人抵掌治  
平大業慮霖出此鉉故顓  
愚猷濡晉先生所著古

今治平畧體兼作述事臚  
因創河流之本於崑崙駿  
轍之遍於穆滿觀滄海而  
測桑田抱馬腰而度圭景  
張平子之畫地列圖馬伏

波之聚米成谷劉司徒之  
見錢流地叔孫奉常之因  
時制儀令漢高始知皇帝  
之爲賢材非人授學自得  
師母胸馳臆斷之失彰沐

日浴月之功匪以供異人  
帷中之譚秘當奉爲大士  
弘濟之規型焉可誣已余  
腰竭量河力綿任山亟發  
醯雞之覆用給時疫之求

徵役歷時問字旁午眷彼  
剗剗良工歎苦甘爲臣虜  
書淫見唾北面者有負墻  
之趨借曝者知負暄之煖  
矣沉默而好溪澁之思童

子之與壯夫仍獲何異假  
令玄晏足重三都負天下  
重名顧安得更有踰張司  
空者余小子更安得所厝  
足地况經國大業直一賦

哉孔子嘆詩亡而始有刪  
國風雅頌於興衰治亂之  
故三致意焉讀子夏子詩  
小序而犁然有當於心忽  
不知今之非古也推先

生而進素臣鉉不辱爲  
先生隸幸侈矣

戊寅孟冬朔日武林門人  
鍾鉉霜鳴甫書於鹵湖

之花梁



古今治平畧序

儒者之功大于本身及物  
及物之謂仁厥所繇能仁  
之謂知不曰知及之乃曰  
守之以仁未之或能周公

佐太平興隆治可謂仁民  
者哉粵稽周禮體國經野  
辯方正位品式咸備鴻纖  
有則庸能綏邇被逖覃潤  
澤于海隅罔攸竟唯周公  
博淵敦恂濬塞周謨多識  
肇舉厥政迄成世世飲食  
厥福皇以間之故其詩曰  
麟之趾振振公子茲言周  
官仁天下也春秋之禩子

古今通考卷之  
產猶有博物君子之稱孔  
子嘉之曰惠爲後世循吏  
首若乃不學無術授政不  
達暨奇邪僻陂之學傲然  
奮厥小慧以拂先王大經

君子譏焉寧取漢臣日飲  
三公府醇酒者猶爲明有  
定識故大學曰致知在格  
物此爲知本此爲知之至  
也且儒者經世匪攸有庸

卽攸有過是故愛道敬身  
者所學誠臧之孔夙矣余  
恒懷古治稽載籍所臚奏  
治理効者深唯其故然能  
與不能自有資材抑古今  
之政博矣察世宜思所以  
程怵然違于大學知本是  
懼日事簿書效物之澤蓋  
鮮焉時余之學之弗力之  
過與余友朱子子強力學


古今通考  
著書其言古今之政所以  
程甚博讀之可以佐太平  
興隆治余履越下邑三月  
而書適告成正襟讀之所  
謂本身及物者伐柯之則

弗遠也主臣颺言簡端庸  
志余慊且以告世之博物  
君子悅周公孔子之道施  
于有政者

戊寅長至日盟社弟

熊人霖拜手書于

稠川之敬事堂



古今治平畧序

當天啓甲子余兄弟與計

偕者凡再時余師心筆羅

公方在兵垣間語余兄弟

曰昔蘇季子得陰符之書

古今通雅  
簡練以為揣摩歷說燕趙  
韓魏齊楚之君彙不適意  
今豈猷彙精切簡練可裨  
世務顧視天下事往往迂  
濶齟齬而不合謂經術之

士何比丁卯三上公車矣  
余兄乃退而淡惟吾師之  
言慨然喟嘆自號蒼崖子  
益發先世所藏秦漢以來  
歷代之書及

國朝典故紀著采輯成事  
著其得失比類連義原始  
要終將以通古今之概勒  
一家之言大哉志乎余小  
子蓋嘗絕筋竭力而未之

逮也會時先人霖怎既得  
肆意稽覽霖內顧憂以至  
典章未明傳紀未合者趨  
庭之際訓啓尤多嘉值  
今上改元諸神受紀庚午之



古今法五卷  
秋遂告成事自皇古以至  
昭代上下數千百季間凡  
天文地紀陰陽之化農桑  
禮樂王者之政夷狄盜賊  
叛服不常之運中國理亂

人民謠俗庶事因革竊不  
備為壬申以還迺剗複鉢  
繁歸於統壹精粗淹通源  
委相受或緝異文而同條  
或兼數家而一軌或接三

代之逸典或正先儒之疑  
文或採紀傳於編年之中  
或奏疏論於書志之外章  
隱著略義例分爲褒貶附  
微正閏權焉至若攷一代

也鑒戒昭然咨一事也利  
弊畢見大抵視丁卯之帙  
體具備而加精文錯綜而  
一變又約其事會最關體  
要者先爲一集命曰古今

治平略於是每奏一篇蒼  
崖子必隱几淡思慄然若  
有得者曰嗟乎經術所以  
經世務此固前哲格言也  
然而効既覩矣何哉夫和

緩之治病也必察其病所  
有餘不足之處而後施之  
以補泄君子之治世也必  
眡其國所偏重不舉之處  
而後濟之以經權是故參

著庸有誤授之時而硝黃  
或以秦效管商時有救敗  
之術而先王之書未免殺  
人此治平之所以難也今  
天下外置於虜內穴於盜

府藏困匱生民愁殫上或  
作之下不肯應非徒病痲  
也又病潰且癰緩不仁此  
其治在保元氣實營衛強  
筋骨之時也使吾是書行

庶幾哉先師精切簡練揣  
摩之旨意在斯乎意在斯  
乎小子何敢多讓焉後數  
季蒼崖子東遊過錢塘門  
人鍾霜鳴郭亞衲等共發

其書讀之大稱善謀之標  
人又數季乃竣售校之勤  
鳩工之勞則鍾子郭子為  
多遂初子曰余嘗覆覽治  
平諸畧大旨富國強兵

而後剗亂夷兇歸於正治  
故其篇次可得詳爲孟子  
曰天下之生久矣一治一  
亂亂之所生其在中古之  
世民始有饑寒霖賴愁嘆

思淫者乎三代以上井地  
維均阡陌不惠併富無貧  
竭澤焚林終亦不振著田  
賦第一雖聖王不能不使  
民而民忘勞雖暴王不能

盡使民而民胥怨著戶役  
第二國有常經量入為出  
及其耗亂出浮於入著國  
計第三寬土不糞與狹同  
實沃土不播與确同實穰

季不儲與儉同實著農政

第四

高皇帝有言養兵百萬不費  
民間一錢著屯田第五譚  
屯田者必兼水利顧時廢

時興著水利第六貫言積  
貯龜錯貴粟常平義倉因  
時紓蹙著貯糴第七古者  
王國之供取之畿內而足  
後世煩費飛芻輓粟國計

軍需轉輸斯屬著漕運第  
八穀帛者民之常需也刀  
貝者民之權貨也甚貴傷  
幣甚賤傷農著錢幣第九  
食之少而不可一日棄出



之輕而算至不可訾歷代  
資之以為厲禁著鹽課第  
十古者關市譏而不征今  
之關也暴而已矣著關市  
第十一虞衡數澤所以與

民公其利也漢有鹽鐵酒  
酤而霖茶榷榷茶始唐茶  
馬始宋著山澤茶榷第十  
二周家荒政之條漢室蠲  
租之詔所以慎天灾而甦

民困也著賑卹第十三河  
之為中國患久矣與夷虜  
同古顛患河今無患漕與  
陵著治河第十四唐虞官百  
夏商倍之匪人胡興匪賢

曷治著官制第十五稽古  
之制論定後官後世易之  
吏道多端循資拾級捷捷  
弁弁著銓選第十六三載  
考績黜陟幽明循名責實

庶事成興著考課第十七  
三代有道賓能興賢漢尤  
近之孝弟力田科目之設  
蓋竊取焉著貢舉第十八  
夫女有不字而士有不時

巖棲川觀懷瑾挹璞者欲  
憤發明庭而竊其資也著  
薦辟第十九語曰衣食足  
則知禮節倉廩實則知榮  
辱著學校第二十國有賦

稅民則供之朝有庶職士  
則蒞之既開辟雍坐而教  
之歌之誦之風以休之著  
律呂第二十一至難定者  
曆也以其數考之至難測

者天也以其器窺之著曆  
灋第二十二儀象第二十二  
三九州異俗險塞不同殺  
函百二雒陽為中著疆域  
都會第二十四天險不可

升也地險山川陵麓也人  
險戈矛刃戟也著兵制第  
二十五穰苴視師寄脊倖  
臣孫子教陣戮逮宮嬪著  
武舉訓練第二十六推轂

而授將則尸之負重致遠  
馬則宜之行營止衛車則  
持之著任將馬政車戰第  
二十七堅壁設堠羅置碁  
藩外扞四夷內安元元著

邊兵第二十八邊防第二  
十九漢文帝有言長城以  
北引弓之民匈奴主之長  
城以南冠帶之國朕亦制  
之著馭夷自三十至三十

二夷患肩背盜腹心也夷  
號天驕盜赤子也咎生饑  
寒而長吏不恤困迫無聊  
而敲推不止也著弭盜策  
三十三凡百餘萬言終焉

太史公曰厥協六經異傳  
整齊百家雜語藏之名山  
俟後世聖人君子信夫  
崇禎十二季歲在己卯仲  
春日進賢遂初氏朱儼

書於訂古軒



朱序十八

太史公曰厥協六經異傳  
整齊百家雜語藏之名山

侯後世聖子

崇禎十三年



書於自古種初氏朱儼

古今治平略叙

豫章朱子強撰古今治平

略始田賦訖弭盜共三十

三卷數十萬言自陶唐氏

以來經國之事基備矣夫



古今通考  
史家之長以書志為重蓋  
一代之謨典百王之憲章  
咸於此條貫焉非有淹瞻  
沉鬱之才何以示指掌而  
昭來襍博雅若子長而禮

樂之書缺而未舉宏麗茂  
實首推孟堅然猶雜採荀  
孟之言沿流向歆之作其  
後以志見稱者南惟沈約  
北則魏收約則曰淵流浩

古今治平略  
漫非孤學所盡收乃云理  
切必在甄明事重尤應標  
著固知始既難於網羅終  
尤艱於斷制良史之才誠  
非易也夫總括者一國搜

已之所作為昔儒所未窺  
然或事止隋唐或文煩至  
數百卷以為馳班轅馬則  
未敢信今觀子強之書有  
五善焉略於浮華詳於典

實緩於見博急於徵用一  
也前代之迹簡而該

本朝之事備而切一也雜諸  
家之論而不病於駁抽未  
發之緒而必源於古一也


文章闕雅足以發抒其意  
一也上下二千餘年典文  
詳洽而卷帙不多一也此  
五善者皆前人所難兼而  
來哲所宜用心者也夫士

古今治平略  
患不學學矣而或不能行  
此必儒生掌故之流稽研  
章句無益治道於所著書  
可觀見子強蚤負通達國  
體之譽繹古証今斷斷利

害雲間社第陳子龍撰

焜燿乎當世豈徒與績文

握簡之士爭



書也歷盛衰備興廢曰治  
平者或去之或墜之有段



時之心乎我將以為  
明天子獻也其曰略者即漁  
仲所云條其綱目而名之  
也猶之乎書也志也而見  
其識大之義也

古今治平畧序

昔者三代之盛士人有學  
校而無科目朝廷有典則  
而無簿書當其時學與農  
不分業文與武不分事儒

與吏不分途自家塾黨庠  
以至鄉國無非學自服力  
南畝以至執盾斲輪之人  
無非士自里宗鄰長以至  
州正鄉遂之大夫無非公

卿然則非無科目也三歲  
賓興學校固其科目非無  
簿書也三年計弊典則卽  
其簿書夫是以朝多明體  
適用之才而士之生斯世



者幼習其事長釐其務舉  
天地九州四夷八蠻之浩  
曠食貨兵刑禮樂之興革  
曉然如目見其事而爲之  
者豈其學獨博哉則上之

所以求與下之所以自求  
者出于一故學問明而事  
業著有繇然也至秦政廢  
棄儒學兩漢精於吏事於  
是士循章句吏諳牋奏分

鑣而驚窮年不相語情王  
仲任所以有事勝忠負節  
優職劣之嘆也嗣是駢藻  
淫於六朝訓詁訟於唐宋  
取士非明經孝廉則賢良

制舉進取非帖經墨義則  
詩韻策括無怪乎才者以  
閱歷之寡執經術以賊世  
而不才者以空疎之質覲  
爵位以戕軀其無益國家

均焉耳明興

高皇帝睿慮淵謨卓越萬古  
初科薦竝行文品兼重久  
漸拘於資格科舉習勝至  
有以單詞隻語博取終身

無窮之富貴而前者倖捷  
後者希冀遂度閣經史惟  
三年程墨房牘是準是繩  
比及通籍一旦膺兵農財  
貨之任禮樂虞衡之務無

以異牧兒驟入大家視其  
棖題藻稅臺盂盃案惘然  
不識爲何物於是沿革不  
得不徇之前官律筭不得  
不假之胥吏蒙頭覆面挨

排歲月故今世鮮通材非  
獨氣運亦功令使然耳目  
者

皇  
上銳意求理旣闢薦舉之  
門以羅科目之所不及而

又興明小學蒐補十三經  
廿一史之闕畧此其鼓勵  
實學扶進人才豈徒望天  
下章句淺陋者流耶蓋必  
有魁耆之士爲

國家煥稽古崇文之休者  
旣已徵諸南宮木天之選  
矣予以菲材見棄明世何  
敢捫虱談當時事第以拓  
落餘暇肆志鉛槧手撥筆

累積有歲年爾乃依事分  
彙大畧以諸史志爲宗而  
自漢以上史未備者則冠  
之以周禮自漢以下諸史  
有彼此不一者則叅之以

通典通志通考及考索諸  
書至

昭代國史有不盡詳者則採  
之以典彙通紀史料吾學  
圖書函史及奏疏館課文

集等書要使觀者一覽無遺讀者旬月可畢雖不敢窺作者庶幾假千里之羸糧歟乙亥秋過錢塘鍾子霜鳴謀授梓以廣其傳予

曰唯唯否否昔太史公積兩世遺文創立四體作爲史記然八書尚缺其二范氏以下備紀傳而畧書志者多矣歐陽公新唐書獨

任諸志以故簡覈精練有  
典有要上追史記之遺至  
宋志則瑣碎浩瀚無異邸  
報外此欲討論華實疏列  
原委惟馬氏稱焉若乃大

帖玉海彙萃諸編大槩爲  
宏詞拔萃者設茲母乃其  
餘瀋而遂欲騰之通都寧  
不適彰其陋鍾子曰是在  
博洽者固寸鬻而餉枵腹



則猶齊王之千躡也工已  
肇盍請名焉予戲之曰區  
區帖括哉然典章畧存經  
史相翼學者既不苦於無  
徵而當官亦不躡於罔據

雖致治平亦思過半矣其  
曰古今治平畧可乎實戲  
之也鍾子乃取名其書是  
予罪也夫是予罪也夫

皆

崇禎戊寅孟秋月鍾陵朱

子健甫題



凡例五則

一食貨生民之資富強今時所急故是編  
首以財賦終以兵防選舉學校則用人  
以理財馭夷弭盜本靖亂以圖治  
祖訓昭然芳猷可鑒觀唐宋則對症之  
切劑覽虞周則起弊之良瀆如禮樂刑

古今通纂卷之二  
罰討論未暇需以續裁非敢意為後先  
實因時而補救

一古今時異則繁簡殊科沿革代興則名  
號各別如禮樂兵刑虞周官有分合  
縣官爵漢唐代有增差大畧太史公作  
史記周禮應未獻於河間班孟堅算漢

書諸志強半因乎劉向漢晉則選舉無  
志征權則唐宋多名然依類遡原緣事  
等契帝王固可同堂漢晉無異目見  
一證已往者易於直筆論當時者難以信  
心况成書未出實錄罕傳故是編折衷  
稽古以簡要為先揚厲商今以詳覈為

貴取其足為箴鏡非敢公為陽焮至若  
近事不備間登大畧固管蠡屬艸楚之  
疎亦忌諱遵臣子之義

一當官典故研考在於事詳經生鉛槧誦  
讀貴乎辭勝故是編事類璧合文采星  
羅至若統其本末則總加發明中繫汚

隆則微增斷案議論與敘事兼收原始  
並要終畢貫非敢云成家言庶幾異乎  
館訂

一書以垂遠無取飾目然文以啟悟宜於  
點睛况沿革之得失理亂攸分謀畫之  
否臧成敗憂判篇中遇此則加密點濃

圈疏其隱複至於英詞卓句扼要關生  
務使覽者擊節誦者忘倦世具青眼應  
知苦心

蒼崖子自識



古今治平畧一集目錄

卷之一 田賦篇

三代田賦

兩漢田賦

魏晉六朝附

唐代田賦

五代附

宋代田賦

元附

國朝田賦

卷之二

戶役篇

三代戶役

漢唐戶役

魏晉南北朝附

宋代戶役

國朝戶役

卷之三

國計篇

三代國計

兩漢國計

三國六朝國計

唐代國計

宋代國計

元附

國朝國計

卷之四

農政篇

三代農政

漢唐農政

魏晉六朝附

宋代農政

元附

國朝農政

卷之五

屯田篇

漢唐屯田

魏晉六朝附

宋代屯田

國朝屯田

卷之六 水利篇

周漢水利

魏晉六朝唐附

宋代水利

元附

國朝水利

卷之七

貯糶篇

三代貯糶

漢唐貯糶

三國六朝附

宋代貯糶

國朝貯糶

卷之八

漕運篇

周漢漕運

三國六朝附

唐宋漕運

元附

國朝漕運

卷之九

錢幣篇

周漢錢幣

三國六朝附

唐宋錢幣

元附

國朝錢幣

古今通考  
卷之十 鹽課篇

漢唐鹽課 三國六朝附

宋代鹽課

國朝鹽課

卷之十一 雜征篇上

歷代關市之征

國朝關市之征

卷之十二 雜征篇下

歷代山澤之征

國朝山澤之征

歷代茶權

國朝茶權

卷之十三 賑恤篇

歷代賑恤

國朝賑恤

卷之十四 治河篇

三代兩漢治河

宋元治河



國朝治河

卷之十五 官制篇

帝王官制

兩漢官制

三國六朝官制

唐代官制

宋代官制 元附

國朝官制

附歷代職官

卷之十六 銓選篇

帝王銓選

兩漢銓選

魏晉銓選

宋代銓選 元附

國朝銓選

卷之十七 考課篇

三代考課

兩漢考課

三國六朝考課

唐代考課

宋代考課

國朝考課

卷之十八 貢舉篇

三代貢舉

兩漢貢舉

魏晉南北朝貢舉

唐代貢舉

宋代貢舉

國朝貢舉

卷之十九 薦辟篇

三代薦辟

兩漢薦辟 三國六朝附

唐代薦辟

宋代薦辟

國朝薦辟

卷之二十 學較篇

三代學較

兩漢學較

魏晉學較

南北朝學較

唐代學較

宋代學較  
元附

國朝學較

卷之二十一  
律呂篇

周漢律呂  
魏晉南北朝附

隋唐律呂

宋代律呂

國朝律呂

卷之二十二  
曆法篇

周漢曆法

三國六朝曆法

唐代曆法  
五代周附

宋元曆法

國朝曆法

卷之二十三  
天文篇

歷代儀象

餘詳二集

卷之二十四

地理篇

歷代疆域

南北疆域

唐宋疆域

國朝疆域

古今都會

卷之二十五

兵制篇上

三代兵制

兩漢兵制

三國六朝兵制

唐代兵制

宋代兵制

元附

國朝兵制

卷之二十六

兵制篇中

曆代國朝武舉

曆代訓練

宋代訓練

國朝訓練

卷之二十七

兵制篇下

曆代國朝任將

曆代國朝馬政

曆代國朝車戰

卷之二十八

邊兵篇

曆代邊兵

唐代邊兵

宋代邊兵

